

Betadeild – skýrsla stjórnar vor 2015.

Ný stjórn Betadeildar tók til starfa í ágúst 2014. en hana skipa þær:

Björk Sigurðardóttir formaður

Aníta Jónsdóttir varaformaður

Ragnheiður Sigurðardóttir ritari

María Gunnarsdóttir meðstjórnandi

Með stjórninni starfa einnig fráfarandi formaður **Jónína Hauksdóttir** og **Margrét Kristín Jónsdóttir** gjaldkeri.

Fyrsta verk stjórnar var að gera drög að starfsáætlun vetrarins ásamt því að koma með tillögu að þema sem félagið gæti starfað eftir næstu tvö árin. Þemað sem varð fyrir valinu bar yfirskriftina *Móðir jörð* og er hugmyndin að fræðast og fjalla um umhverfismál í víðum skilningi.

Vetrarstarf Betadeildar hófst með árlegri haustferð en að þessu sinni var haldið í Svarfaðardal og var Margrét Kristín með leiðsögn í ferðinni. Hún sagði okkur frá staðhátum, bæjum á leiðinni og tengdi þá fólki og merkjum atburðum. Fyrsti viðkomustaður okkar var kirkjustaðurinn á Tjörn og þar tóku hjónin Kristján Hjartarson og Kristjana Arngrímsdóttir á móti okkur. Þá var gengið til kirkju og sagði Kristján okkur sögu hennar og staðarins. Eftir það sungu þau hjón fyrir okkur nokkur lög og lék Kristján undir á gítar. Það er skemmst frá því að segja að þau heilluðu okkur með þessum frábæra söng sínum. Næst var haldið á Húsabakka og byrjað á því að skoða fuglasafnið. Það er skemmtilega uppsett og mjög gaman að skoða það. Að skoðun lokinni færðum við okkur í sal á staðnum og hófst fyrsti formlegi fundurinn þar sem m.a. voru kynnt drög að vetrardagskrá og þema vetrarins sem var samþykkt. Með okkur í þessari ferð var gestur frá Flórída, Margaret Ellen (Peg) Dunn-Snow en hún er í DKG samtökunum Mu State.

Októberfundurinn var haldinn á Amtsbókasafninu á Akureyri. Elín Magnúsdóttir grunnskólakennari var tekin inn í deildina og var hún var boðin hjartanlega velkomin af Betasystrum. Gestur kvöldsins var Brynhildur Bjarnadóttir lektor við Háskólann á Akureyri og talaði hún um umhverfismál. Hún sagði m.a. að það ætti að leggja að jöfnu, kurteisi gagnvart fólki og kurteisi gagnvart náttúrunni. Hún ræddi um grænt hagkerfi – meiri sjálfbærni. Hún ræddi einnig um að við hefðum gengið mjög á auðlindir jarðar og voru úrgangsmál henni mjög hugleikin og hvernig við skilum jörðinni til komandi kynslóða. Skemmtilegar og frjóar umræður sköpuðust eftir fyrirlesturinn.

Nóvemberfundur var haldinn í Menntaskólanum á Akureyri og aftur voru umhverfismál efst á baugi. Gestur kvöldsins var Kristín Sigfúsdóttir og ræddi hún m.a. um mengun og hvað hlutir og efni eru lengi að eyðast. Hún vitnaði í ýmsar konur og byrjaði á móður sinni sem hún sagði að hefði verið góð fyrirmynd og hefði nýtt alla hluti. Miklar umræður urðu eftir erindi Kristínar og höfðu konur áhyggjur af öllu því sem fellur til í samfélaginu okkar.

Jólafundur Betadeildar er haldinn með Mýdeild og var hann að þessu sinni í Hrafnagilsskóla. Óhætt er að segja að þessi hefð um sameiginlegan jólafund deildanna skapi skemmtilega stemningu og geri kvöldið enn hátíðlegra og glæsilegra. Á fundinum var boðið upp á tónlistaratriði en þær María Gunnarsdóttir úr Betadeild og Ragnheiður Júlíusdóttir úr Mýdeild

sungu nokkur jólalög við undirleik Ingólfs Jóhannssonar, Eiríks Stephensen og Petreu Óskarsdóttur úr Mýdeild. Petrea Óskarsdóttir og Ásdís Arnardóttir úr Mýdeild spiluðu einnig á þverflautu og selló nokkur jólalög. Orð til umhugsunar komu úr báðum deildum en María Steingrímsdóttir úr Betadeild flutti jólaminningar frá Dalvík og Birna Guðrún Baldursdóttir úr Mýdeild flutti hugleiðingu um jólaundirbúninginn og jólastressið. Þá var boðið til léttrar jólamálíðar í boði stjórnar Beta- og Mýdeilda.

Janúarfundurinn var bókafundur í heimahúsi þar sem konur sögðu frá áhugaverðum bókum sem þær höfðu lesið.

Í febrúar var fundur í Glerárskóla. Undir liðnum orð til umhugsunar minntust nokkrar konur Elísabetar Geirmundsdóttur, listakonunnar í fjörunni, en hún hefði orðið 100 ára 16. febrúar. Elísabet Geirmundsdóttir er Betakonum hugleikin en stærsta verkefnið sem konur Betadeildar hafa tekið sér fyrir hendur var útgáfa bókar um þessa merku listaconu. Gestur kvöldsins var Edward Huijbens prófessor og forstöðumaður Rannsóknarmiðstöðvar ferðamála. Hann ræddi m.a. um jörðina, jarðsögutímabilin og að nú væri komið nýtt tímabil, manntíminn. Mikið var rætt um áhrif aukinnar ferðamennsku á náttúruna og spunnust umræður um þau ásamt aðra þætt sem tengdust þessum fróðlega fyrirlestri.

Marsfundurinn var haldinn á veitingastaðnum Silvu og var þessi fundur óhefðbundinn. Á honum voru ræddar bækurnar, Stundarfró eftir Orra Harðarson og Náðarstund eftir Hannah Kent, en þær bækur voru valdar á bóka fundi í janúar.

Aprílfundurinn var í Brekkuskóla og var hann undirbúinn af undirbúningsnefnd. Þar var konunum skipt í hópa og veltu þær fyrir sér spurningum eins og hvernig getur Betadeild orðið sýnilegri út á við? Hvernig og hvað viljum við gera? Hóparnir greindu frá helstu niðurstöðum og tók undirbúningshópur þær síðan í sínar hendur og kom þeim til stjórnar eftir fundinn.

Lokafundurinn var haldinn 15. maí með hefðbundinni dagskrá ásamt inntöku nýs félaga og eftir að hefðbundinni dagskrá lauk var farið út að borða og konur nutu kvöldsins saman.

Á öllum fundunum voru fastir liðir eins og happdrætti og pyngjan góða sem er látinn ganga og konur láta litla upphæð af hendi rakna í þeim tilgangi að safna fé til styrktar stúlkum í Afríku. Veitingarnar eru að sjálfsögðu á sínum stað og undirbúningshópar sjá um ákveðna fundi á hverju starfsári. Mæting Betakvenna á fundi í vetur hefur verið nokkuð góð eða frá 11 upp í 23 konur á fundum.

Auk starfa fyrir deildina hafa Betasystur tekið virkan þátt í starfinu á landsvísu. Þorgerður Sigurðardóttir starfar sem ritari landssambandsstjórnar, Eygló okkar sem er vefstjóri deildarinnar og gegnir jafnframt starfi sem vefstjóri landssambandsins og European Forum situr í alþjóðlegu nefndinni World Fellowship Committee og hefur tekið við embætti landsambandsforseta. Ingibjörg Auðunsdóttir stafaði í uppstillingarnefnd landsambandsins og þær Fríða Pétursdóttir og Sigríður Magnúsdóttir starfa í samskipta- og útgáfunefnd.

Stjórnin vill þakka Betakonum fyrir ánægjulegan vetur og hlakkar til þess næsta með nýjum áskorunum og samstarfi við skemmtilegar konur í Betadeild.

Fyrir hönd stjórnar.

Björk Sigurðardóttir, formaður